

Ábyrgðartrygging útgerðarmanns

Skilmáli nr. A-7

Í skilmálanum merkir hugtakið "félagið" Vörð tryggingar hf.

1. kafli. Bótasvið og almennir skilmálar

1. gr. Hverjir eru váttryggðir?

1.1 Váttryggingartaki er váttryggður.

1.2 Váttryggingin gildir um borð í því skipi/bát sem tiltekin er á váttryggingaskírteini eða endurnýjunarkvittun og í beinum tengslum við rekstur þess. Í skilmála þessum merkir hugtakið „skip“ það skip eða bát sem tiltekið er með þessum hætti.

2. gr. Ábyrgð vegna útgerðar

Váttryggingin tekur til skaðabótaábyrgðar, sem fellur á váttryggðan eftir íslenskum réttarreglum og rakin verður til skyndilegs og óvænts atburðar vegna:

a) líkamstjóns sem rakið verður til annað hvort gáleysis skipverja í þágu skipsins eða vanbúnaðar skipsins sjálfs eða tækja þess,

b) skemmda á munum í eigu annarra aðila en starfsmanna váttryggingartaka eða eiganda afla, farms eða annars sem skipið flytur, ef skemmdir verða af sömu orsökum og greinir í a-lið og tjónsatvíkið ber að höndum um borð í skipinu eða á bryggju við hlið skipsins.

3. gr. Samningar um bætur og bótafjárhæð

Váttryggingin tekur ekki til bótaábyrgðar, sem stofnast vegna loforðs frá váttryggðum um að hann beri víðtækari ábyrgð en venjulega skaðabótaskylda utan samninga. Sama gildir um samning, sem felur í sér loforð um aðrar eða meiri bætur en leiðir af almennum reglum um ákvörðun bóta utan samninga.

4. gr. Undantekningar á bótaskyldu

Váttryggingin bætir ekki:

4.1 Tjón vegna skaðabótaábyrgðar váttryggðs sem hann getur váttryggt sig gegn, með venjulegri húftryggingu fyrir hliðstætt skip.

4.2 Tjón á munum sbr. þó b-lið, 2. gr. hér á undan.

4.3 Líkamstjón sem verður við út- eða uppskipun þegar aðrir en áhöfn vinna verkið.

4.4 Útgjöld vegna læknishjálpar, hjúkrunar, ferðakostnaðar eða útfararkostnaðar samkvæmt sjómannalögum

4.5 Eigur skipverja sem glatast eða skemmast við sjóslys, eldsvoða í skipi eða við annað sjóttjón.

4.6 Tjón er leiðir af skaðabótaábyrgð sem fellur á útgerðarmann fiskiskips vegna starfsemi í landi, t.d. beitingar, frágangs, meðhöndlun veiðarfæra eða annarra skyldra starfa. Þessa áhættu má váttryggja sérstaklega.

4.7 Endurkröfu frá almannatryggingum.

4.8 Tjón af völdum sprengiefnis eða eldfimra muna sem fluttir eru á annan hátt og/eða í stærri stíl en lög leyfa.

4.9 Tjón sem hlýst af eldsvoða, kjarnorku eða geislavirkum efnum.

4.10 Tjón sem beint eða óbeint er rakið til jarðskjálfta, eldgoss, skriðufalls, snjóflóðs eða annarra náttúruhamfara.

4.11 Tjón sem rakið verður til stríðs, óeirða, uppþots, verkfallsaðgerða eða annarra sambærilegra atvika.

4.12 Tjón af völdum hryðjuverka vegna hvers konar líffræðilegra eða efnafræðilegra áhrifa og/eða eitrunar, þ.m.t. sýkla og veira.

4.13 Tjón sem beint eða óbeint stafar af efninu asbest (asbestos) eða efnis sem inniheldur asbest að einhverju leyti.

4.14 Tjóns sem beint eða óbeint, að öllu leyti eða hluta, stafar af hvers kyns áhrifum tímaskráningar á starfsemi búnaðar, kerfa eða samblands þessa hvoru tveggja.

4.15 Tjóns sem beint eða óbeint, að öllu leyti eða hluta, stafar af umsjón eða ráðgjöf um áhrif tímaskráningar á starfsemi búnaðar, kerfa eða samblands þess hvoru tveggja.

4.16 Tjón sem rekja má til skráningarskyldra ökutækja.

5. gr. Laun í slysaforföllum og bætur úr slysatryggingu

Ábyrgðartrygging þessi og bótaskylda hennar er bundin því skilyrði að váttryggingartaki kaupi atvinnuslysatryggingu á áhöfn skips, sem tengist þessari tryggingu skv. grein 1.2, í samræmi við lög og kjarasamninga. Bætur, sem greiða ber af umsaminni eða lögboðinni atvinnuslysatryggingu, koma að fullu til frádráttar bótum úr þessari váttryggingu. Sama á við um fjárhæðir sem greiða hefði átt úr umsaminni eða lögboðinni atvinnuslysatryggingu se, atvinnurekandi hefur vanrækt að kaupa eða halda í gildi.

6. gr. Laun í slysaforföllum og bætur frá slysatryggingum

Ábyrgðartrygging þessi er bundin því skilyrði, að váttryggingartaki kaupi atvinnuslysatryggingu í samræmi við kjarasamninga og lög. Bætur, sem greiða ber af umsaminni eða lögboðinni atvinnuslysatryggingu, koma að fullu til frádráttar ábyrgðartryggingarbótum. Sama á við um fjárhæðir, sem greiða hefði átt úr umsaminni eða lögboðinni atvinnuslysatryggingu, sem atvinnurekandi hefur vanrækt að kaupa eða halda í gildi. Laun, sem váttryggðum ber samkvæmt lögum eða kjarasamningi að greiða manni, er verður fyrir slysi eða veikist, koma að fullu til frádráttar bótum vegna ábyrgðartryggingar þessarar.

7. gr. Upphaf váttryggingarinnar – iðgjaldsgreiðslur- uppsögn

7.1 Váttrygging þessi tekur gildi þegar að félagið eða umboðsmaður þess hefur samþykkt váttryggingarbeiðni. Iðgjald ber að greiða þegar váttryggingin tekur gildi og síðari iðgjöld á tilgreindum gjalddögum. Félagið sendir váttryggingartaka tilkynningu um greiðslu iðgjaldsins. Í tilkynningunni skal greiðslufrestur tilgreindur sérstaklega sem skal vera einn mánuður hið skemmsta frá þeim degi sem tilkynningin er send. Sé iðgjald ekki greitt innan greiðslufrests reiknast dráttarvextir á iðgjaldið.

- 7.2 Sé iðgjald ekki greitt þegar greiðslufresti lýkur skv. 1. mgr. er félaginu heimilt að senda sérstaka aðvörun, þar sem greiðslu er krafist innan 14 daga, ella fellur váttryggingin og ábyrgð félagsins niður, sé iðgjald þá enn ógreitt. Váttryggingartaki skal engu að síður greiða iðgjald fyrir það tímabil sem váttrygging var í gildi.
- 7.3 Hafi váttryggingartaki ekki samið sérstaklega við félagið um greiðslu iðgjaldsins áður en frestur skv. 2. mgr. rennur út telst það ógreitt, ef það er ekki að fullu greitt þegar fresturinn er úti.
- 7.4 Krafa um greiðslu iðgjalds er send á heimilisfang váttryggingartaka sem tilgreint er í þjóðskrá nema hann hafi tilgreint annað heimilisfang sérstaklega. Breytingar á heimilisfangi skal þegar í stað tilkynna félaginu.
- 7.5 Váttryggingin gildir fyrir það tímabil sem tiltekið er í váttryggingarskírteini eða endurnýjunarkvittun. Að því loknu endurnýjast váttryggingin sjálfkrafa í eitt ár í senn, sé váttryggingunni ekki sagt upp af hálfu váttryggingartaka innan mánaðar frá því félagið sendi endurnýjunarkvittun. Váttryggingataka er þó ekki skylt að tilkynna uppsögn fyrr en með 15 daga fyrirvara fyrir endurnýjun. Váttryggingartaka er jafnframt heimilt að segja upp váttryggingu, sem endurnýjast sjálfkrafa, vegna flutnings váttryggingarinnar til annars félags, sbr. 14. gr. og 75 gr. laga um váttryggingarsamninga nr. 30/2004. Skal þá tilkynna félaginu um uppsögn með mánaðar fyrirvara og miðast uppsögn við næstu mánaðamót þar á eftir. Upplýsa skal til hvaða váttryggingafélags er flutt og frá hvaða tíma. Þegar váttryggingin er tekin vegna atvinnurekstrar, þar sem umfang rekstraraðila samsvarar fleiri en fimm ársverkum eða starfsemi fer að mestu leyti fram erlendis, getur váttryggingartaki aðeins sagt váttryggingunni upp við endurnýjun hennar og skal uppsögn í síðasta lagi hafa borist félaginu einum mánuði fyrir lok váttryggingartímabilsins. Félagið áskilur sér rétt til iðgjaldabreytinga og/eða skilmálabreytinga við endurnýjun váttryggingarinnar.
- 7.6 Séu sérstakar ástæður fyrir hendi skv. 18. gr. laga nr. 30/2004 um váttryggingarsamninga er félaginu heimilt að segja upp váttryggingarsamning með 60 daga fyrirvara fyrir endurnýjun. Félagið sendir þá frá sér tilkynningu þess efnis skv. ákvæðum sömu laga.
- 8. gr. Upplýsingaskylda váttryggingartaka**
- 8.1 Við gerð eða endurnýjun váttryggingarsamnings ber váttryggingartaka, eða eftir atvikum váttryggðum, að veita félaginu þær upplýsingar um váttryggingaráhættuna sem félagið óskar. Sömuleiðis ber váttryggingartaka, og eftir atvikum váttryggðum, að greina félaginu frá sérstökum atvikum sem hann veit eða má vita að hafa þýðingu fyrir mat félagsins á áhættunni.
- 8.2 Skýri váttryggingartaki sviksamlega frá eða leyni atvikum, er skipta máli um áhættu félagsins, eða gefur að öðru leyti rangar upplýsingar til félagsins, getur það haft í för með sér að bótaábyrgð félagsins takmarkast eða fellur niður skv. 20. gr. laga um váttryggingarsamninga nr. 30/2004.
- 9. gr. Ásetningur**
- Ef váttryggingaratburðurinn verður rakinn til ásetnings váttryggðs, eða starfsmanna hans í ábyrgðarstöðum, ber félagið ekki bótaábyrgð sbr. 1. mgr. 27. gr. laga nr. 30/2004.
- 10. gr. Sektir**
- Félagið greiðir ekki bætur vegna sekta eða annarra refsiviðurlaga.
- 11. gr. Váttryggingartími**
- Komi afleiðingar atviks, sem tjón hefur hlotist af og gerst hefur á váttryggingartímanum, ekki í ljós fyrr en váttryggingin er fallin úr gildi, greiðir félagið samt sem áður bætur. Á hinn bóginn greiðir félagið ekki bætur fyrir tjón vegna atviks, sem varð, áður en váttryggingartíminn hófst, enda þótt tjónið komi ekki í ljós fyrr en á váttryggingartímanum.
- 12. gr. Váttryggingarfjárhæð**
- 12.1 Hámarks váttryggingarfjárhæð í hverju tjóni er hámark þess höfuðstólskröfu sem félagið ábyrgist. Verði fleiri en eitt tjón af sömu tjónsorsök, teljast þau vera af völdum eins váttryggingaatburðar. Heildarábyrgð félagsins á hverju váttryggingarári takmarkast við einnig við fyrrgreinda váttryggingarfjárhæð.
- 12.2 Félagið greiðir vexti af bótafjárhæð og kostnað, sem til er stofnað með samþykki félagsins til þess að skera úr um skaðabótaskyldu váttryggðs, enda þótt greiðsla félagsins fari af þeim sökum fram úr váttryggingarfjárhæðinni sbr. þó 31. gr. þessa skilmála. Sé váttryggingarfjárhæðin lægri en höfuðstóll bótafjárhæðar, greiðist aðeins sá hluti kostnaðar og vaxta, er svarar til váttryggingarfjárhæðarinnar.
- 13. gr. Eigin áhætta**
- Í hverju tjóni ber váttryggður eigin áhættu sem kemur fram á skírteini eða endurnýjunarkvittun. Nái höfuðstóll bótakröfu ekki lágmarki eigin áhættu greiðir félagið ekki heldur kostnað þótt krafan og kostnaðurinn samanlagt verði hærri en fjárhæð eigin áhættu.
- 14. gr. Varúðarreglur- áhættuaukning**
- 14.1 Váttryggingartaka og þeim sem samsamast honum ber að fara eftir þeim varúðarreglum sem félagið setur í þessum skilmála eða á váttryggingarskírteini. Misbrestur á því getur leitt til skerðingar eða brottfalls bótaábyrgðar skv. 26. gr. laga nr. 30/2004.
- 14.2 **Varúðarregla: Váttryggðum er skylt að gæta þess að við störf í skipi séu ekki aðrir en þeir sem til þess hafa lögskilin réttindi.**
- 14.3 Váttryggður skal tilkynna félaginu allar breytingar á skipi eða útgerð þess sem valdið geta aukinni áhættu. Vanræki váttryggingartaki tilkynningarskyldu sína og verði tjón af völdum hinnar breyttu áhættu lækkar ábyrgð félagsins að tiltölu miðað við þá iðgjaldshækkun sem félagið hefði áskilið sér vegna áhættubreytingarinnar.
- 15. gr. Skyldur váttryggðs við tjónsatburð**
- 15.1 Þegar það atvik, sem váttryggt er gegn, hefur gerst, eða hætta er á því að það gerist, ber váttryggðum skylda til þess að reyna afstýra eða lágmarka tjónið. Hafi váttryggður af þessum sökum orðið fyrir útgjöldum mun félagið endurgreiða þau að því leyti sem þau teljast réttlætjanleg. Vanræksla í þessu efni getur valdið lækku eða missi bóta skv. 28. gr. laga nr. 30/2004 um váttryggingarsamninga.
- 15.2 Váttryggður skal veita félaginu þær upplýsingar og þau gögn sem hann hefur undir höndum eða getur útvegað og félagið þarf til þess að meta ábyrgð sína og greiða bætur. Ef váttryggður veitir af ásetningi rangar eða ófullnægjandi

upplýsingar sem hann veit eða má vita að leiða til þess að tjónþoli fær bætur, sem hann á ekki rétt á, fellur niður allur réttur hans samkvæmt váttryggingarsamningnum.

16. gr. Meðhöndlun skaðabótakröfu

- 16.1 Jafnskjótt og váttryggingartaki fær vitneskju eða grun um að skaðabótakrafa verði gerð á hendur honum ber honum að tilkynna félaginu það skriflega.
- 16.2 Sé gerð skaðabótakrafa á hendur hinum váttryggða hefur félagið fyrirsvar vegna þeirrar kröfu og eru heimilar hvers kyns ráðstafanir til þess að meðhöndla kröfuna svo sem viðurkenningu á bótaskyldu, verjast kröfunni eða gera um hana samkomulag enda eru þessar ráðstafanir á kostnað félagsins svo og málskostnaður vegna þeirra.
- 16.3 Félagið er ekki bundið af því ef váttryggður viðurkennir skaðabótakröfu nema leitt sé í ljós að váttryggður gerði aðeins það sem honum var skylt að lögum er hann greiddi kröfuna eða viðurkenndi réttmæti kröfunnar.

17. gr. Útreikningur iðgjalds – endurgreiðsla iðgjalds

- 17.1 Þegar iðgjaldið reiknast af breytilegum stærðum (svo sem veltu, vinnulaunum, fjölda starfsmanna, véla eða tækja) skal áætla iðgjald í upphafi váttryggingartímabils, en endanlegt iðgjald greiðist við lok þess. Innan eins mánaðar frá lokum váttryggingartímabilsins er váttryggðum skylt að láta félaginu í té allar þær upplýsingar sem það telur nauðsynlegar til endanlegrar ákvörðunar iðgjalds. Berist upplýsingar þessar ekki í tæka tíð, má félagið ákveða endanlegt iðgjald eins og það telur sanngjarnt. Ef endanlegt iðgjald er hærra en bráðabirgðaiðgjald sem reiknað var, ber váttryggingartaka að greiða mismuninn innan 14 daga frá því að þess var krafist. Sé endanlegt iðgjald lægra en bráðabirgðaiðgjaldið, ber félaginu að endurgreiða mismuninn innan 14 daga, frá því að útreikningur gat farið fram.
- 17.2 Nýti váttryggingartaki eða félagið sér heimildir sínar, skv. þessum skilmála eða lögum nr. 30/2004 um váttryggingarsamninga, til þess að slíta váttryggingarsamningunum á váttryggingartímabilinu, endurgreiðir félagið iðgjald váttryggingarinnar hlutfallslega. Sé iðgjald ákveðið árstíðabundið er heimilt að taka tillit til þess við endurgreiðslu iðgjaldsins, sbr. 2. mgr. 17. gr. laga nr. 30/2004. Sé andvirði hins váttryggða greitt út við alltjón og váttryggingin fellur niður af þeim sökum kemur ekki til endurgreiðslu iðgjalds.

18. gr. Uppsagnarréttur félagsins

- Félagið getur sagt upp váttryggingarsamningi vegna eftirfarandi aðstæðna, nema annað sé lögboðið:
- 18.1 Með 14 daga fyrirvara ef veittar eru rangar eða ófullnægjandi upplýsingar um váttryggða áhættu, sbr. 21. gr. laga um váttryggingarsamninga nr. 30/2004. Hafi váttryggingartaki sviksamlega vanrækt upplýsingaskyldu sína getur félagið sagt upp váttryggingunni sem og öðrum váttryggingarsamningum sem váttryggingartaki hefur hjá félaginu án fyrirvara.
- 18.2 Með viku fyrirvara ef váttryggður veitir af ásetningu rangar eða ófullnægjandi upplýsingar sem hann veit eða má vita að leiða til þess að hann fær greiddar bættur sem hann á ekki rétt til sbr. 47. gr. laga um váttryggingarsamninga nr. 30/2004. Félaginu er enn fremur heimilt að segja upp öllum öðrum váttryggingarsamningum sem váttryggður hefur hjá félaginu, með sama fyrirvara, þegar svo stendur á.
- 18.3 Með tveggja mánaða fyrirvara ef notkun váttryggðs hlutar, starfsemi váttryggðs, eða aðstæður að öðru leyti breytast á váttryggingartímabili á þann hátt að félagið hefði ekki samþykkt váttrygginguna ef slíkar upplýsingar hefðu legið fyrir við upphaf váttryggingartímabilsins.
- 18.3 Með tveggja mánaða fyrirvara, í kjölfar tjónsatviks og er félaginu jafnframt heimilt að segja upp öðrum váttryggingarsamningum sem váttryggingartaki hefur hjá félaginu með sama fyrirvara:
- 18.3.1 þegar tjónþungi váttryggingar er meiri en eðlilegt getur talist, t.d. 3 tjón eða fleiri á 12 mánuðum;
- 18.3.2 ef váttryggður hefur valdið tjóni af ásetningu;
- 18.3.3 ef váttryggður brýtur gegn varúðareglum;
- 18.3.4 ef alvarlegur trúnaðarrestur hefur orðið milli váttryggðs og félagsins.

19. gr. Samsömun

Félaginu er heimilt að bera fyrir sig að starfsmenn váttryggingartaka hafi brotið gegn ákvæðum váttryggingarinnar skv. 3. mgr. 29. gr. laga nr. 30/2004 um váttryggingarsamninga.

20. gr. Lög um váttryggingarsamninga

Að öðru leyti, en því sem kveðið er á um í þessum skilmála, gilda um váttryggingarsamning þennan lög um váttryggingarsamninga nr. 30/2004. Verði ágreiningur um váttrygginguna, skal íslenskur dómstóll skera úr honum eftir íslenskum lögum.

21. gr. Heimili – Varnarþing – Ágreiningur

Heimili félagsins og varnarþing er í Reykjavík. Ágreiningu um bótaskyldu má skjóta til Úrskurðarnefndar í váttryggingamálum. Upplýsingar um nefnd þessa og starfsháttu má fá hjá félaginu. Mál sem kunna að rísa vegna þessa váttryggingarsamnings skulu rekin gegn félaginu fyrir Héraðsdómi Reykjavíkur.

Skilmáli þessi gildir frá 01. 07. 2016